



Provìntzia de Tàtari



PIANU UNITÀRIU LOCALE DE SOS  
SERVÌTZIOS A SA PESSONE

 **ASL**Sassari  
Azienda socio-sanitaria locale

Distretu Sanitariu de Otieri

---

**AVISU PÙBLICU**  
**PRO FÀGHERE SA LISTA DE SU DISTRETU DE SOS**  
**AMMINISTRADORES DE SUSTEGNU SEGUNDU SA**  
**LEGE REGIONALE L.R. N. 24/2018 ART. 5**  
**SA RESPONSÀBILE DE SU**  
**SERVÌTZIU2.2**  
**SERVÌTZIOS A SA**  
**PESSONE**  
**COORDINADORA DE S'UFÌTZIU DE PIANU**

**BIDA** sa Lege de su 9 de su mese de ghennàrgiu de su 2014 n.6 chi at mudadu su Còdighe Tzivile pro su chi pertocat sos “Mèdios pro amparare pessones chena autonomia peruna o in parte”, ponende in s’ordinamentu una pessone comente Amministradore de Sustegnu, istitutu de giurisditzione volontària chi at sa punna de “amparare pessones chi, pro infirmidate o menomatzione fisica o psichica, si agatant a non resessire, finas in parte o pro pagu tempus, a dare contu a issos etotu e chi no ant autonomia pro fàghere su chi devent o pro manigiare sa vida fitiana issoro”;

**BIDU** su D.M. de su 12 de su mese de martzu de su 2004 de su Ministru de sa Giustizzia, cun custu si disponet s’istituzione in sos Ufitzios Giudiziàrios de su “Registru de sas amministratziones de sustegnu” prevìdidu dae s’art. 47 de sas dispositziones pro pònnere in òpera su còdighe tzivile e sas dispositziones transitòrias, comente l’ant fatu a càmbiu cun s’art. 14 de sa L. de su 9 de ghennàrgiu de su 2004. n. 6”

**BIDA** sa Lege Regionale n. 24/2018, chi pertocat sos “Interventos pro sa promotzione e s’avaloramentu de s’amministradore de sustegnu pro s’amparu de sas pessones dèbiles”, chi a s’art.5 narat chi “SOS PLUS, pro mèdiu sas Comunes, collint e contivìgiant sa lista de sas pessones chi si declarant a disponimentu pro leare s’incàrrigu de amministradore de sustegnu, averguende si ant totu sos piessignos chi bi cherent segundu sa lege mentovada in antis;



Provìntzia de Tàtari

## PIANU UNITÀRIU LOCALE DE SOS SERVÌTZIOS A SA PESSONE



Distrettu Sanitariu de Otieri

**BIDA** sa D.G.R. n 23/30 de su 22 de su mese de làmpadas de su 2021 cun custa:

- Sun istadas fatas mudas e annantas a sas Lìnias Guida, pro su prus in sa fache in ue sos PLUS sunt inditados comente sugetos deputados pro fàghere sos interventos segundu sa L.R. n 4/2018 in logu de sas Provìntzias;
- Sunt istadas aprovadas sas modalidades organizativas e sos tretos de sas protzeduras pro pònnere in òpera s'istitutu de s'Amministradore de Sustegnu;
- Nche l'ant mandadu a sa Direzione Regionale de sas Polìticas Sotziales pro s'adotzione de sos provedimenti pro nche colare e dare sas risorsas, chi non fiant istadas impitadas dae sas provìntzias, a sas Comunes cabu-fila de su Plus sighthende sas modalidades noas prevìdidas dae sas Lìnias Guida;

**BIDA** sa D.G.R n. 38/32 de su 21 de su mese de cabudanni de su 2021 chi cabet sos inditos operativos pro sos Entes Cabu-fila chi manìgiant sos Cuntestos Plus pro sa gestione de sas risorsas, chi in antis sunt istadas assignadas a sas Provìntzias, pro su primu tempus chin ponent in òpera sos Interventos de promozione e avaloramentu segundu sa Lege Regionale 24/2018;

## SI FAGHET ISCHIRE CHI

Sa Comune de Otieri, comente Comune Cabu-fila de su PLUS-Distrettu Sòtziu Sanitariu de Otieri cheret fàghere sa lista de su Distrettu de sos Amministratori de Sustegnu.

S'amministratzzione de sustegnu (A.d.S.) est s'istitutu nàschidu cun sa Lege n. 6 de su 2004 pro amparare pessones chi ant paga autonomia in sa vida fitiana issoro ca ant problemas fìsicos, psìchicos e sotziales, finas si in parte o pro unu tantu de tempus, custos sunt: betzos, disàbiles, malàidos a s'ùrtimu atzessu, pessones chi ant àpidu ictus, pessones chi giogant de arriscu, pessones tentas in galera ecc.; est numenadu dae su Giùighe Tutelare e lu sèberant mengius a intro de sa famìlia de s'assistidu etotu, segundu sos piessignos de idoneidade prevìdidos dae sa lege. Si non si podet fàghere custu sèberu, pro resones de oportunidade e de incumpatibilitàde, s'amministradore est seberadu a foras de sa famìlia.



Provìntzia de Tàtari

## PIANU UNITÀRIU LOCALE DE SOS SERVÌTZIOS A SA PESSONE



Distretu Sanitariu de Otieri

### ART. 1 OGETU

Su PLUS de su Distretu Sanitariu de Otieri cun custu Avisu cheret andare a dae in antis fatende sa Lista de su Distretu de sos Amministratori de Sustegnu (prus a dae in antis est faeddadu solu “Lista”), una lista de pessones chi siant a disponimentu pro leare s’incàrrigu de amministratore de sustegnu pro sos benefitziàrios chena unu agiudu comente si tocat dae sa famìlia, in antis si cumpudat chi bi siant sos piessignos de idoneidade detzisos dae sa normativa de s’Ufitziu de Pianu. Sa lista at a èssere pùblica e s’at a pòdere agatare in su situ Istituzionale de las Comunes chi leant parte de su Plus de Otieri

Sa lista at a èssere agiornada ogni ses meses. S’Ufitziu de Pianu ogni annu s’at a leare s’impiciu de formare totus sos chi si cherent iscriere a sa lista e de pònnere a die sos iscrittos.

### ART. 2 FINALIDADES

Custu avisu at comente punna printzipale cussu de agiuare su traballu de su Giùighe Tutelare, incurziende su tempus chi bi cheret pro inditare e numenare unu amministratore de sustegnu e finas pro crèschere su nùmeru de sos tzitadinos chi si ponent a disponimentu pro fàghere su ADS, finas pro garantire su mèngius servìtziu a sas pessones chi in totu o in parte non ant autonomia, amparende sas pessones prus dèbiles, assegurende chi sas pessones iscritas a custa lista apant piessignos e cumpetèntzias cumproadas pro chi fatant bene su servìtziu de amparu de sas pessones dìligas.

### ART. 3 CRITÈRIOS DE ATZESSU

Sos rechisidos (piessignos) generales pro s’iscriere a sa lista sunt:

- Àere s’edade magiore;
- Àere sa tzitadinàntzia italiana (pro sos tzitadinos istràngios si pedit sa residèntzia fissa in su logu de s’Istadu italianu);
- residèntzia in una de las Comunes de su Distretu Sòcio Sanitariu de su PLUS;
- chi non b’apat resones de incapatzidade de leare s’incàrrigu prevididas dae s’art. 350 de su còdighe tzivile;



Provìntzia de Tàtari

## PIANU UNITÀRIU LOCALE DE SOS SERVÌTZIOS A SA PESSONE

 **ASL Sassari**  
Azienda socio-sanitaria locale

Distrettu Sanitariu de Otieri

- chi non b'apat pretzedente penale e protzedimentos pendentes;

Sos rechisidos (piessignos) ispetzìficos mudant a seguda de su chi lu pedit:

Si sa pessone est chena esperièntzia in s'amministratzione de sostegnu si pedit in parte de custa:

- Esperièntzia documentada de voluntariadu in logos in ue s'at ite a fàghere cun sa dilighesa;
- Partetzipatzione a caminos formativos ispetzìficos;
- Esperièntzia de traballu o chi s'apant tìtulos de istùdiu in contestu giurìdicu, sotziale o econòmicu;

**b)** Pessones chi siant a bessu de documentare de aère àpidu s'incàrrigu de A.d.S., cun su decretu de nòmina de su Giùighe Tutelare o cun sa Dèlega formale de su Sìndigu o de s'Assessore comunale numenadu A.d.S. pro nessi unu benefitziàriu in sos ùrtimos tres annos dae sa data chi ant abertu su bandu de ses meses pro s'iscrizione a sa Lista.

Custos piessignos ant a dèvere èssere auto-tzertificados comente a su mollu allegadu a custu Avisu. A ogni manera est s'Ufitziu de Pianu chi iscriet in sa lista, a pustis de un'arregionada pro si connòschere e pro valutare sas cumpetèntzias, sas resones e sas esperièntzias de traballu e/o de voluntariadu.

## ART. 4 CÀUSAS DE ESCLUSIONE

Non si podent iscrìere sos chi non ant sos piessignos sinzados in s'art. 3 de custu Avisu

At a èssere arressa s'iscrizione pro sas pessones chi ruent in sos cuntestos de incumpatibilitade in s'ufitziu sighende s'art.350 de su còdighe tzivile e tando sos chi:

1. non manìgiant cun libertade s'interessu issoro;
2. sunt gaii istados catzados dae atividades de amparu o de amministratzione de sostegnu pro fatos graves, manìgiu inadeguadu o incapatzidade de fàghere su traballu;
3. si sunt agatados de nche lis fàghere rùere o sessare sa responsabilidate de babbu o de mama, o sunt istados catzados dae àteru amparu;



Provìntzia de Tàtari



**PIANU UNITÀRIU LOCALE DE SOS  
SERVÌTZIOS A SA PESSONE**



Distrettu Sanitariu de Otieri

4. s'agatant in una condizione de iscorru cun sa pessone benefitziària de s'amparu.

## **ART. 5 PRESENTATZIONE DE SAS DIMANDAS**

Sas pessones chi ant sos rechisidos (piessignos) segundu s'art. 3 in antis podent fàghere sa rechesta pro s'iscrìere a sa lista presentende sa dimanda dae sa prima die a su 15 de ogni mese, cumpilada impitende su mollu aprontadu, fatu comente a una autotzertificazzone, chi cumproet chi s'apant sos piessignos pedidos dae custu Avisu. A sa dimanda ant a èssere allegados:

- sa còpia de su documentu de identidate;
- su curriculum vitae a cuforma a cussu europeu;
- s'informativa sutiscrita segundu sos art. 13 e 14 de su Regulamentu Europeu 2016/679 (GDPR).

Sa prima iscadèntzia est in die de su 31/01/2023 e a pustis sa lista at a èssere agiornada ogni ses meses cun sas dimandas acudidas intras a su 15 de su mese in antis a s'aggiornamentu de sos ses meses. Solu sos chi ant sos piessignos inditados in s'art. 3 a sa lìtera B) de s'Avisu devent allegare sa còpia de su Decretu de nòmina de su Giùighe Tutelare o de sa Dèlega a s'incàrrigu dae parte de su Sìndigu numenadu A.D.S.

Sas rechestas sutiscritas e cumpletas de documentatzione, ant a dèvere èssere presentadas a s'Ufitziu Protocollu de sa Comune o mandadas cun sa pec a custu indiritzu: protocollo@pec.comune.ozieri.ss.it;

## **ART. 6 DISÀMINA DE SAS DIMANDAS**

S'istrutòria de sas dimandas presentadas at a èssere fata dae s'Ufitziu de Pianu de su Plus de Otieri.

S'Ufitziu, a pustis de àere compudadu sos documentos de ogni dimanda at a fàghere un'arregionada pro connòschere totus sos chi ant fatu sa dimanda, sighende su chi narat s'art. 3.



Provìntzia de Tàtari

## PIANU UNITÀRIU LOCALE DE SOS SERVÌTZIOS A SA PESSONE



Distrettu Sanitariu de Otieri

S'Ufitziu de Pianu s'at a atzertare chi bi siant sos rechisidos de sos iscritos, si nono nche los at a cantzellare.

## ART. 7 ÒBLIGOS DE SOS ISCRITOS

Sos iscritos a sa Lista devent partetzipare a sos cursos de formazzone e de agiornamentu chi ant in bidea sos de su Plus.

## ART. 8 CANTZELLATZIONE

Sa cantzellatzzione dae sa lista si podet fàghere:

- si lu pedit s'interessadu;
- in mancàntzia de sos rechisidos e si suprint resones de incumpatibilidade;
- cun su provedimentu de s'Autoridate Giudiziària;
- si si nche colat a un' àtera Comune, foras de su Distrettu de su PLUS de Otieri;

## ART. 9 INFORMATZIONES

Pro cale si siat informatzione e/o acraramentu si podet faeddare a s'Ufitziu de Pianu de su PLUS Distrettu de Otieri a custos nùmeros de telèfono 079/781278 348/581393 o imbiende·nche una mail a [sportellohcp@comune.ozieri.ss.it](mailto:sportellohcp@comune.ozieri.ss.it)

## ART. 9 MANÌGIU DE SOS DATOS

Sos datos ant a èssere manigiados, impitados e remonidos sighende sas modalidades inditadas in s'informativa chi pertocat su manìgiu de sos datos personales allegada a custu Avisu.



Provìntzia de Tàtari



**PIANU UNITÀRIU LOCALE DE SOS  
SERVÌTZIOS A SA PESSONE**

 **ASL Sassari**  
Azienda socio-sanitaria locale

Distrettu Sanitariu de Otieri

## **ART. 10 PUBLITZIDADE**

Custu avisu at a èssere publicadu in su Cuadru Pretòriu Online e in su situ ìnternet de su Comune de Otieri e de sas Comunes chi faghent parte de su cuntestu de su PLUS.  
Allegados:

- Mollu de sa dimanda;
- Informativa pro su manìgiu de sos datos personales;

**Sa Responsàibile de su Servìzziu 2.2**

**Servìtzios a sa persona**

Coordinadora de s'Ufitziu de Pianu PLUS

Dut.ra Alessandra Zoroddu

**Sa Responsàibile de su Protzedimentu**

Dut.ra Alessandra Zoroddu



Tradutziones a cura de s'Isporetellu de Limba Sarda  
de Nughedu – Progetu “Inoghe Puru”-annualidade  
2022 – Finantziadu dae sa RAS cun sa L.482/99 e  
cun sa L.R.22/2018